



13. juni 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaaterparpunga.

Naalakkersuisunut apeqquteqaatit:

- 1. Suliniutit suut Naalakkersuisut aallartissimavaat qulakkeerniarlugu, ulluunerani paaqqinnittarfinni sulisussaaleqinerup aaqqissuulluakkamik malittarineqarnissaa?**
 - a. Suut suliniutit ersarissut Naalakkersuisut aallartissimavaat ulluunerani paaqqinnittarfinni sulisut sulinerminni atugaasa pitsanngorsarnissaannut?**
 - b. Naalakkersuisut eqqarsaasersuutiginerpaat ikorfartoqatigiinnerup ulluunerani paaqqinnittarfinni sulisunut aaqqissuulluakkamik neqeroorutigineqartalernissaa?**
 - i. Ikorfartoqatigiinnerup ulluunerani paaqqinnittarfinni sulisunut aaqqissuulluakkamik atajuartussatullu neqeroorutinnngussagalarpat, pisortanut allaffissornikkut aningaasatigullu kingunissai suuppat?**
 - c. Meeqqanut sulit atualinngitsunut perorsaannikkut inerikkiartuutaasumik ulluunerani neqeroorutit pillugit Inatsisartut inatsisaata allanngortinnissaanik Naalakkersuisut suliniuteqarusuppat taamaaliornikkut, sulisut inissisimanerat tapersersorneqarnissamillu pisariaqartitsinerat inatsimmi allassimaneranit ersarinnerusumik pisussaaffeqarnerusumillu allassimalersinniarlugu?**
- 2. Naalakkersuisut ilisimasaqarnerpat, meeqqat qassit, ullumikkut paaqqinnittarfinniinnginnerut?**
 - a. Taakkunannga qassit ilaqtarinninngaaneerpat immikkut inuuniarnikkut misigissutsikkullu pisariaqartitsisunit?**
- 3. Naalakkersuisut kommuninit suleqateqarnialersaarnepat meeqqat misigissutsikkut navianartumi inissisimasut sumiginnarneqannginnissaannut tassani eqqarsaatigineqarlunittaaq paaqqinnittarfinni inissaqannginneq?**
- 4. Naalakkersuisut oqaluuserisamut soqutiginaalinnik allanik paasissutissiisinaanerlutik?**

(Inatsisartunut ilaasortaq Pipaluk Olsen, Demokraatit)

Tunngavilersuut

Meeqqagut ulluinnarni ulluklut paaqqinnittarfinni toqqissisimasumik ineriartuutaasumillu ulluinnarqarnissaminnut pisinnaatitaaffeqarput sulisullu pitsaasumik suliffimminni atugaqarnissamik pisinnaatitaaffeqarlutik suliaasaq taannarpiaq eqquutsissagunikku. Ullumikkut ajoraluartumik takusarparput, meerarpassuit paaqqinnittarfinniinngitsut, aammalu sulisut tatisimaneqartorujussuit sulisunik amigaateqarneq suliffiullu tatisimaneqarnera pissutigalugit. Taakkulu meeqqat inuunerissaarnissaat aammalu perorsaannikkut atugassarititaasut annikillissittarpaat.



DEMOKRAATIT
DEMOKRATERNE

Siusinaartumik suliniuteqarneq eqqartortillugu, oqaasiinnaasassanngillat. Aallarniuteqartariaqarpoq, assannik toqqissisimatitsisunik suliaminnullu ilisimaarinnilluartunik ullut tamaasa sulisoqarnissaa. Taamaattumik ajornartorsiutaavoq, meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaanni ersarinnerusumik eqqaaneqanngimmata sulisut inissisimanagerat aammalu tapersorneqarnissamik pisariaqartitsinerat. Meeqqat kisimiillutik ineriartorsinnaanngillat. Ineriartussagaanni pitsaasumik pisariaqarpoq, sulisut suliaminnut inuttullu suliassaminnut sakkussaqaqluarnissaat.

Demokraatit ersarissumik paaserusuppaat, meeqqat sulisullu ulluunerani paaqqinnittarfinni atugaasa pitsanngorsarnissaannut aqqinnissaannut unammillernartunut Naalakkersuisut tigussaasunik sunik iliuuseqarnialersaarnersut.

Apeqqu-teqaatima ullut suliffiusut qulit iluanni akineqarnissaat qilanaaraara.